

要摺代論

二月初一日

都察院請裁科道員缺摺

都察院左都御史臣宗室壽耆等跪

奏為科道缺多事簡請設法疏通恭摺仰祈

聖鑒事竊科道職在宣德達情

繩愆糾謬秩雖未顯而言責至為切要從前差務既多升轉亦易名臣良吏半出其中現巡視九城管理街道及查倉查漕等差概行裁汰而滿漢科道仍額設八十缺無所表見浮沈其間於人才亦殊可惜查六科滿漢掌印給事中十二缺外又有滿漢給事中十二缺現既無封駁之權亦乏稽查之責其滿漢給事中十二缺擬請裁撤各道御史向分繁簡京畿道職任最為繁重原設滿漢掌道各一員協道各一員請仍其舊河南道原設滿漢掌道各一員協道各一員該道核他道稍繁請仍其舊江南道原設滿漢掌道各一員協道各三員從前該道稽查事務較繁現已歸併擬請裁撤滿漢協道各二缺山東道原設滿漢掌道各一員協道各二員從前稽查刑部及五城事務今城坊已裁擬請裁撤滿漢協道各一缺其山西陝西浙江江西湖廣福建各道原設滿漢掌道各一員協道各一員該六道稽查事務較簡擬請將滿漢協道各一缺裁撤至廣東廣西四川雲南貴州各道原設滿漢掌道各一員請仍其舊統計擬裁滿漢給事中十二缺滿漢協道十八缺惟各科道皆間補有人其中不乏有用之才若遽行裁撤一時無從位置未免向隅應請俟議准後如掌科掌道缺出照例以協科協道轉補所遺之缺概停傳補以期逐漸疏通至御史向有宗室蒙古專缺俟裁缺完竣後應由吏部參酌舊例辦理再科道升階從前內擢京堂外簡道府選轉尙速現京堂缺少人多出為擁滯道府各缺半為外省扣留部選尤難滿缺科道又向無截取之例更少出路可否援照翰林院宗人府保送之例凡滿科道俸滿九年以上者准保送道員六年以上者准保送知府仍由臣等酌量該員堪勝與否再行加考送部引見俟奉 旨記名後除單請 簡外如願到省候補者准其呈請分發如此量為疏通各科道登進有階臺中自有澄清之望抑臣等更有請者京官向稱清苦近今尤甚查各部司員大半新籌津貼兼各省有結費可分而科道闕如每員除應領俸銀俸米外所分餉銀甚微統計每員每歲所入不及一二百金其敦崇名節束身自愛者原不因之稍貶清操而為境所遷中材不免 朝廷既寄以耳目似不得不恤其身家合無籲懇 逾格鴻慈每年 賞給津貼銀兩專為科道養廉他

衙門不得援以爲例如蒙

俞允領到後由臣衙門按員均分俟將來裁缺如額則每員歲入稍裕苟能澹泊自安或

可粗給倘有不自愛惜受人指使情事經臣等訪查得實或別經發覺請 朝廷從嚴懲治以肅紀綱臣等明知度支

支絀而再三商酌有不得不爲仰乞 恩施者誠以 天家所損爲數無多而言路得此挹注其保全政體者至鉅

當荷 聖明所洞鑒臣等爲整飭臺規培養人才起見謹專摺具陳伏乞 皇太后 皇上聖鑒訓示施行謹

奏 光緒三十二年正月二十五日 左都御史臣宗室壽耆 左都御史臣陸寶忠 左副都御史成章 左副都

御史臣宗室台布 左副都御史臣陳兆文差 署左副都御史臣楊佩璋 按此摺已交政務處會同吏戶部議奏矣

要緊新聞

禁工案最近之消息○美禁華工條約經梁使向美政府交涉日久迄未議結現得最近消息美國于此次開議院時業

已提議此事允將苛例刪改但仍不能弛工人之禁據美政府照會梁使則謂僅禁粗工不禁細工及不禁商人學生

游歷人員等并允變通木屋辦法云

林撫沿途察看情形○岑春煊已抵貴州林紹年首途赴桂已紀昨報茲復接訪員來電云林撫此行係取道都勻古州

慶遠並沿途察看柳州慶遠一帶情形云

飭議郵政局章程○英使請撤汕頭報効局已紀前報前悉外部照復英使略謂此項報効係捐自華商與洋商貨物無

涉至該局章程已電咨岑督飭屬妥議云云

撥編練第十三鎮移隸江北○江北提督劉軍門永慶以江北地方遼闊恐兵力太單不敷分布特咨請練兵處酌撥陸

軍藉資防守練兵處准咨派撥第十三鎮練軍移隸江北並將辦理情形具摺奏陳奉 旨依議

不安分華僑由公使拘解○金陵訪員來電云南洋大臣周玉帥近有電致駐美梁使署謂不安分之華僑應由中國公

使拘解回國免致受外人屈辱等語梁使覆電亦深體其議且謂已將此節附入約稿矣

商務報辦理得人○商務報已歸官辦商部堂官委章主事宗祥經理其事章君外洋卒業學問優長以之辦理此報必

能大有起色也

擬賀法總統○新任法國總統華利業已於本月二十五日即伯里璽天德之位歐美各國皆有電往賀聞政府亦擬致

電祝賀云

俄亂電傳○俄京來電云俄國里海水師提督被刺受傷甚重俄政府在波蘭擊獲亂黨一千四百五十人森都發炸彈

死傷二十人而近日白晝搶劫者不絕

京察人員之引見○此次京察人員已奉 旨自二月初四日分日帶領引見

章京免過京察堂○京察一等人員向例均赴吏部過堂再行帶領引見此次各都察院京察人員已于二十七二十八

日過堂惟軍機處人員不與其列蓋因日前軍機處會行知吏部滿漢章京及內廷行走要差人員無庸赴部過堂云

催交曜祥有煤○因查抄曜祥煤廠一案英使近又有照會致外部署謂煤廠既在匯理押款無論如何亦應將存煤先

行交出如或另有別情華官須向英署控告等語外部已電咨岑督酌復矣

本京新聞

俄國所要求更有兩款○一松花江之林業須由中俄合力經營一在煙台被日本捕去之驅逐艦及在營城灣沈沒之

水雷艇須向中國索賠謂此係由中國不能盡中立義務之所致云(錄時報)

添設三瞻要缺○探聞日前政府有電致川督錫制軍略云三瞻地方改土歸流宜簡大員前往坐鎮飭令體察情形如

何添設地方文武官缺妥爲酌定至前某大臣所請以成都將軍移駐巴塘一節已作罷論論政府之議擬于三瞻扼要

添設總兵一缺道員一缺即可控制其餘改設州縣擬令川督酌辦云

派學生游歷○學部各堂憲以大學堂學生通達時務者雖不乏人惟閱歷未深尚恐難資實用擬親赴學堂考察將已

滿三年之學生選派數十名隨同教習前往南洋各省游歷考察風土人情藉資歷練

長留守電調周提督○伊犁將軍長留守電奏謂伊犁邊防緊要以練兵爲先查記名提督周鳳鳴曾經統帶新軍卓

著成效請飭該員速爲赴伊贊助以整軍務而重邊防云

各國會議撤兵問題○外務部聞駐京德使業經調任即向各國提出撤退戍兵問題申議後由德使倡議已於十八日

招集與此事有關係之各國公使開一會議以議此問題又聞各公使之意謂除北京天津之外各國所派沿路戍兵

均可撤退云

教務紀畧書○傳聞政府王大臣以近查各省教案實由地方官員不諳教務判斷失宜遂至釀成交涉亟宜整飭以息爭端江督周玉帥所撰教務紀畧一書專述交涉教案等事盡善盡美除飭該督轉頒各省飭令州縣等官學習外應行咨取數部寄交本處分送京中各衙門爛習以備將來選補外任免致臨時棘手云

調查各省農務章程○商部咨行各省速將所立農務局開辦章程咨部以備採擇
籌給軍機處供事津貼○軍機處供事向例保案最優茲聞因軍機大臣軍機章京均籌給津貼所有供事亦酌給銀二千八百兩擬考取六十名作為額內分三等量予津貼所有保案作為五年一次按尋常保獎或給以議叙又有優給津貼保案之說

各省將軍緩議裁併○政府消息前日倡議者謂裁各省與總督同城之將軍所有駐防統歸該省督臣管轄以節經費而泯滿漢之畛域一節茲聞軍機中有多數不以為然者故議裁各省將軍一事刻作罷論

電請保全礦林利權○聞黑龍江將軍程德全日前電致外部略謂現黑龍省已經開辦礦務總局木植公司為保全利權起見現已籌有的款如俄國此次會議時邀求礦產森林利權請由大部嚴詞拒斥以保全利權而鼓舞商情等語
電燈開辦有期○陸星甫君在京設立之電燈公司一切工程現均完備前往掛號者頗不乏人聞已定於二月中旬開辦

議設江西鐵路分局○江西鐵路總局已由李香園方伯議定在本省設立現聞又擬在京師設分局一處以為合省京官議事之所目下正覓地募預備興辦

各省新聞

本年秋操確實消息○(直隸)頃見袁宮保傳知各鎮內開本年在河南彰德府秋操調京旗一協及陸軍第六鎮山東第五鎮與河南陸軍一鎮及湖北陸軍會演至已照會各國與否尚未得知大約此次會操必較去年更形熱鬧也
咨赴日本學習警察○(江蘇)江甯省垣開辦警察形式雖具尚未盡善學界中人有鑒於此日來紛紛赴學務處稟呈自備資斧請咨送往日本留學警察以便學成回國從事改良想當道必能准如所請也
通飭改良軍服○(浙江)浙省武職各員服色向例綠營則補服掛珠防營則行裝短褂幾與文職無甚分別茲奉

中丞諭飭一律遵照北京練兵處奏定軍服且須佩刀即如禮節舉動亦皆改良其餘兵卒號褂更易雖職之充實營務處者均應改易軍服云

刑錢幕友擬給札文辦公○(江西)贛臬余廉訪署中幕友杜沈楊三人皆多年刑名家也自廉訪蒞任彈聯辦公迄今未將關書送結聞廉訪擬將關書改作憑札並擬通飭各府廳州縣凡充幕友者皆須捐有官職方准就 每一幕出錢穀稟由藩司刑名稟由臬司分別給予札文前往辦公以杜流弊
運憲整頓警政○(江蘇)揚州巡警開辦已及二年成效尚未大著邇經兩淮運司趙渭卿都轉力加整頓以期早收實效所有提調管帶等官聞須酌量更換云

調集水陸各軍大操確聞○(湖北)漢陽協鎮周嶽崧軍門近擬調譚洲湘字綠營漢防全軍田家鎮勁勇巴河各營長江各師船會合大操以稔進步不日即有明文
岑督飭左江道前赴象州搜捕餘匪○(廣西)廣西匪勢雖已奏報肅清而北京傳言僉謂未能悉淨政府屢諭搜剿餘匪毋任蔓延岑督因飭左江道龍濟光親赴象州大舉清鄉並督率濟慶各軍搜捕搖山內餘匪現龍道已前往辦理

議設官吏政學堂○(浙江)浙省仕途聽鼓人員計自道府承倅收令至佐貳雜職共有二千餘人之多雖其擁擠類皆專事酬應外表殊乏留心政治之員現在張帥力行新政迭向他省咨調并飭司道於屬員中舉其所知以備量材錄用仍覺不敷遣使故議創設法政學堂准由各員報名投習俾廣造就俟與新任藩司寶方伯商訂課規即當揭曉并調前年往日本學習政法速成科之吏隸初司馬等回浙為堂長教員而期收成效也
趙將軍奉調人員述聞○(東三省)聞日前奉天趙留守奏調查官保之一少公子赴省當練兵業經奉旨允准

宮保之公子擬於二月間即當首途
上海租界會審公堂權限章程○(江蘇)上海公共租界及法租界會審公堂權限章程於一千九百零三年六月初十日由駐滬各領事議定稟奉各國駐京大臣核准計開如下(一)錢穀案件如原被告兩造均係華人應在被告所住之租界公堂控告(二)刑名案件如與洋人不涉華人者犯租界章程即在所犯之租界公堂審訊 以上兩

欺如被告爲洋人所雇用者應由各該管領事簽字辦法亦均與前相同(三)錢穀案件之關涉洋人者甲如原告爲洋人而非法人被告之華人居住公共租界者即在公共租界公堂控告乙如原告爲法人被告之華人在法租界居住者即在法公堂控告丙如原告爲洋人而非法人而被告之華人居住法租界者應在公共租界之公堂控告惟拘票須由法總領事簽字然後公共租界公堂差役會同法租界派捕協提母庸先在法公堂審問丁如原告爲法人而被告之華人居住公共租界者應在法租界公堂控告惟拘票須領總領事簽字然後由法公堂差役會同公共租界捕房派捕協提母庸先在公共租界公堂訊問(四)刑名案件如原告爲洋人而非法人則在公共租界之公堂審訊如原告爲法人則在法公堂提審拘票亦須按照以上第三款辦法其公共租界公堂拘票先經領袖總領事簽字然後由公堂差役協捕往提與向日辦法無異

張太僕籌款將歸○(廣東)張弼士太僕在南洋招集廣埔鐵路股款已先匯回百萬準身內回粵擬先築此路後并將黃埔開闢商埠其總工程師已聘定庇能楊君士德聞亦不日抵港

各國新聞

俄將述戰爭軍器之效驗○(俄國)俄將言凡於戰鬪之時槍劍孰優最爲列國所注意此次日俄戰爭殆決此問題矣蓋此次之大戰鬪無一不用白刃塞陽奉天之戰皆如是殊於奉天之役對壘三日彼此兩軍砲響如雷槍丸如雨寸進寸退遂才能決其勝負然日軍奮勇而進劍光一揮突喊直前勝敗忽決間不容髮由是觀之劍光之與士氣其相輔而成爲大效矣

法國責報於俄國○(法國)法國議院會議時於法俄商約頗不滿意其時演說者謂法國常優待俄國且曾助以經濟乃俄國並未有所酬報照俄國目下財政匱乏理宜有所酬報於法國云

奧皇解散匈牙利議院之驚聞○(奧國)奧大利匈牙利政府調派軍隊於普達卑斯德府包圍匈牙利國議院並由奧皇派欽使遞交勅書飭令解散而更召集議員與否再爲定奪等語然下議院集議仍未開封即將勅書送還而自爲停會矣乃欽使更派人抵議院在空房捧讀諭旨然後軍隊勒令議院之官員出議院封印於其門戶矣

俄國亂事彙誌○(俄國)俄政府現在雖令兵隊將波羅的海沿岸一帶嚴加防守然仍不免亂黨私自運動現里葛

地方之巡捕被亂黨所擊 俄國西北利亞鐵路一帶亂事甚熾士利賓斯克車站保護鐵路之武員俱逃往他處亂匪將各站搶掠義爾考斯處地方亂氛尤熾亂匪任意搶掠武員皆無法處置火車現已停止因一切工人俱罷工滋事且煤亦甚缺乏

華僑擬入日本籍○(日本)東報云僑居荷蘭屬東印度瓜哇島及別處之華人其數約有三十萬因無中國代表人爲之保護常被荷人虐待該處荷官亦不肯援助故同擬入籍日本云

德國因摩國警務反對法國○(法國)於西二月十九日提議凡摩洛哥國高等警務官唯法與西班牙兩國人能得任之而其餘各國均無此權德國反對此議云此不但違列國均等主義且於列國均監督摩洛哥國主義亦有妨碍英法兩國之交際○(英國)法報云英外部大臣格列氏通知駐各國英使臣凡遇交涉之事須與法國和衷共濟

專件

政務處考覈各省州縣官列入最優等員名清單

睢州知州朱正本 (續)

學堂 六所

巡警 城內設局一所馬隊十名巡兵四十名

工藝 工藝所一區上師四人又添派學士二名往省城工藝局學織布

種植 勸種樹株成活十四萬株又蒔桑秧二畝四鄉低窪處所勸種葦荻荷藕

命盜 命案四起未獲二起盜案三起未獲一起

詞訟 二十九起全結

監押 監犯二十一名開除五名押犯二名開除一名

錢糧 未全完

鞏縣知縣舒泰

學堂 五所

Shen Shen

巡警 縣境東站鎮巡警局一所兵十六名保甲局二十處現均改為巡警

工藝 習藝所一處工師二人

種植 示諭勸辦

命盜 命案六起未獲三起盜案無

詞訟 五十起全結

監押 監犯八名開除七名押犯無

錢糧 未完

杞縣知縣姚禮咸

學堂 十所

警巡 局一所原兵十名添兵十名

工藝 習藝所一區工師三人

種植 請領湖桑一千株又土桑一萬二百四十株發各社種活六成又在城外捐廉栽柳七千餘株

命盜 命案十一起未獲九起盜案七起未獲四起

詞訟 三十五起全結

監押 監犯十一名開除六名押犯無

錢糧 全完

蘭儀縣知縣沈福源

學堂 五所

巡警 局一所二十四名

工藝 設罪犯習藝所一處

種植 勸種各色樹木十餘萬株並在城內設課桑園一所

命盜 六起未獲三起盜案一起未獲

詞訟 二十三起全結

監押 監犯九名開除二名押犯十五名開除六名

錢糧 未全完

柘城縣知縣葉壽萱

學堂 三所

巡警 局一新兵八名

工藝 習藝所一十處工師二人現又修工藝廠一所又草帽辦廠一所女教習二人幼孩婦女在廠學習四十餘人

種植 播種葦桑成活二萬株又捐購湖桑八百株奉發六百株共成活六百餘株

命盜 命案十五起未獲十二起盜案六起未獲二起

詞訟 二十二起全結

監押 監犯二十一名開除九名押犯無

錢糧 未全完

舞陽縣知縣李文烈

學堂 五所

巡警 共有局八處城內兵四十名餘各二十名

工藝 城內設開源局一處工師一人又罪犯習藝所一處

種植 勸民種桑領湖桑七百株全活

命盜 命案三起已獲盜案二起未獲一起

詞訟 十七起全完結

監押 監犯十六名開除三名押犯五名開除二名

錢糧 全完

甘肅州縣各官列入優等二員

平遠縣知縣秦瑞徵

學堂 小學堂一所蒙學十一所

巡警 嚴飭各堡清查保甲督飭快役稽查以清盜源

工藝 軍流習藝所一處織造羊毛棉線各帶已有成效

種植 招民開墾

命盜 命案二起盜案無

詞訟 四十七起全結

錢糧 未完完

丙午京察一等全單

(未完)

內閣

侍讀花翎二品銜恩 佑 侍讀記名簡放道花翎三品銜潤昌 侍讀即選知府花翎三品頂戴智格 侍讀花翎二

品銜顧芳 侍讀花翎三品頂戴陸嘉晉 典籍 蘇元龍 中書五品銜覺羅海溥 連光 中書花翎四品頂戴文

增 中書四品頂戴毓書 中書五品銜世樸 中書侍讀銜福廣 中書知州頂戴常惠 中書即選撫民同知四品

頂戴智銓 中書侍讀銜文元 中書覺羅崇俊 興亮 吳炯 中書知府頂戴閻炳章

宗人府

理事官候補四品京堂花翎四品銜宗室靈照 副理事官花翎宗室定壽 委署主事花翎宗室定秀 筆帖式 宗

室鍾繼

外務部

郎中三品銜傅嘉年 郎中花翎三品銜徐承焜 陳瀏 郎中記名海關道花翎三品銜朱有基

商部

郎中花翎四品銜熙彥 郎中三品頂戴卓孝復 員外郎楊道霖 魏震

吏部

郎中候補四五品京堂花翎二品銜宗室海錕 郎中三品銜宗室載林 員外郎花翎宗室毓善 員外郎軍機章京

三品頂戴長明 員外郎花翎瑞清 員外郎四品銜劉元弼李春溥 筆帖式匯瀛 肅清 宗室春祿 崇宜 桂

端 筆帖式理事同知銜崑瀛 筆帖式恒愛 筆帖式理事同知銜容元 筆帖式寶善

戶部

郎中四品銜英傑 郎中即選知府花翎三品頂戴全順 郎中三品銜奎弼 郎中花翎四品銜恩通 郎中內倉監

督花翎三品銜錫廉 郎中花翎三品頂戴如銓 郎中三品頂戴文綬 郎中花翎三品頂戴傅蘭泰 郎中花翎三

品銜候選道薩蔭圖 郎中寶泉局監督花翎三品頂戴李馨國 郎中三品頂戴李經野 劉嶽雲 郎中內倉監督

三品銜沈潛 員外郎謙順 員外郎四品銜齊圖 員外郎四品頂戴 林景賢 員外郎四品銜 程利川 筆

帖式文澤 恩麟 筆帖式錫璋 稼齊賢 愛伸 鐵齡 葆誠 筆帖式理事同知銜寶潤 筆帖式延壽 潤普

成燦 筆帖式理事同知銜英勛 筆帖式長昕 綬齡 寶泉局大使樂祐

禮部

郎中花翎三品頂戴覺羅隆端 齡昌郎中三品頂戴劉果 郎中花翎二品頂戴陶福同 員外郎候補五品京堂花

翎三品頂戴宗室玉麒 主事花翎四品銜宗室裕舒 筆帖式主事頂戴文堃 筆帖式仲熙 雙陞 筆帖式主事

頂戴存厚 筆帖式文連

兵部

郎中候選知府花翎三品頂戴玉山 郎中花翎三品頂戴景清 郎中候選知府花翎三品頂戴文斌 郎中軍機章

京花翎四品銜高樹 員外郎花翎三品頂戴敦崇 員外郎花翎四品銜達春 員外郎三品銜胡遠燦 筆帖式理

事同知銜崇耀 筆帖式五品銜訥謨賀 筆帖式理事同知銜兼襲雲騎尉續齡 筆帖式五品銜永寶 筆帖式藍

翎五品頂戴國燿 筆帖式理事同知銜榮順 筆帖式貴卿 奉寬 筆帖式理事同知銜國安

刑部

郎中花翎四品銜恩潤 郎中軍機章京花翎三品銜來秀 郎中三品銜英勛 郎中四品銜德封 郎中花翎三品

銜善倫 樂善 郎中軍機章京花翎三品銜英秀 郎中四品銜普庚 郎中花翎三品銜曾鑑 戈炳琦 郎中魏

聯奎 郎中軍機章京花翎段書雲 郎中軍機章京三品銜徐宗溥 郎中王廷銓 員外郎四品銜奎綿 員外郎
覺羅桂恩 員外郎四品銜王世琪 員外郎四品銜連培型 筆帖式花翎五品銜蔭康 筆帖式理事同知銜覺羅
忠喜 筆帖式贊禮郎銜同海 筆帖式榮勳 海濬 固琇 壽祺 鳳木 筆帖式理事同知銜延年 筆帖式清
安 筆帖式理事同知銜定安 筆帖式五品銜致祥 筆帖式花良阿 筆帖式五品銜扎昆珠 帖筆式理事同知
銜廣陞

工部

郎中花翎三品銜英俊 郎中候選知府花翎三品頂戴長潤 郎中候選知府花翎三品銜桂森 郎中花翎三品銜
瑞齡 郎中花翎銘勳 郎中輕車都尉候選知府花翎三品銜嵩連 郎中候選道花翎三品頂戴福蔭 郎中花翎
四品銜王毓芝 員外郎軍機章京花翎三品銜文徵 員外郎三品頂戴文麟 員外郎花翎宗室松雋 員外郎四
品銜于宗瑾 筆帖式贊禮郎銜志治 筆帖式理事同知學功釗 筆帖式奎印 文福 筆帖式理事同知銜錫鑒 文
樸 筆帖式成期 筆帖式贊禮郎銜志治 筆帖式文康 西林 清治 明志

理藩院

郎中花翎三品銜覺羅三壽 郎中遇缺題奏道花翎三品銜緒良 郎中軍機章京花翎三品頂戴祿顯 郎中花翎
三品頂戴鍾音 員外郎軍機章京四品銜聯綬 員外郎郎中三品頂戴文哲量 員外郎郎中選知府三品頂戴元瑞
員外花翎三品銜景濂 員外郎花翎四品銜善英 筆帖式理事同知銜希斯理 筆帖式崇恕 筆帖式世襲雲
騎尉剪恒 筆帖式文俊 連陞 祥桂 筆帖式五品銜寶訓 筆帖式恩元 鍾佑 世源 秀通 耆賢

都察院

掌京畿道監察御史花翎三品銜雙壽 京畿道監察御史花翎三品銜成昌 掌陝西道監察御史花翎三品頂戴榮
興 陝西道監察御史惠銘 掌京畿道監察御史花翎四品銜汪鳳池 京畿道監察御史黃昌年 掌河南道監察
御史花翎三品銜陳恒慶 掌江西道監察御史周樹模 掌廣東道監察御史夏敦復 掌福建道監察御史杜本崇
筆帖式五品頂戴玉振 筆帖式國順 筆帖式理事同知銜瑞麟 恒凱 筆帖式明志

六科

吏部給事中三品頂戴忠廉 刑科給事中吳煦 工科給事中花翎三品銜文琛 吏科筆帖式徵厚 戶科筆帖式
英勵 禮科筆帖式奎英 兵科筆帖式存志 恩祺 刑科筆帖式文琨 工科筆帖式凌俊

大理寺

左評事花翎五品銜王金綬 筆帖式榮慶

翰林院

侍讀花翎四品銜翁斌孫 侍讀李士鈺 侍講候補四五品京堂宗室錫嘏 侍講貴福 于齊慶 撰文侍講銜吳
蔭培 編修周爰諏 呂佩芳 趙惟熙 編修五銜李傳元 編修花翎侍講沈曾桐 編修陳伯陶 魏景熊 編
修花翎五品銜汪鳳梁 編修四品銜余瑩 編修花翎侍講銜孫桐 編修王廷綏 編修花翎五品銜惲毓嘉 待
詔朱桐 筆帖式同知銜崇秀 筆帖式理事同知銜寶芝 筆帖式五品銜英銳 筆帖式祺光 筆帖式理事同知
銜廣音滿阿

起居注

主事萬亭 筆帖式耆昌 景山

太常寺

寺丞兼讀祝官花翎四品銜崇恩 寺丞兼贊禮郎藍翎四品銜廣耀 讀祝官同知頂戴啟順 讀祝官花翎五品銜
景存 贊禮郎宗室松鉅 松齡 博士錢壽仁 筆帖式理事同知銜錫珮

光祿寺

署正監翎埋事同知銜仲鑑 署正勞啟祝 筆帖式扎克當阿 筆帖式五品頂戴文華

太僕寺

員外郎花翎三品頂戴常清 筆帖式承連 吉成

國子監

裁缺助教松廷 裁缺助教五品銜文鼎 裁缺助教周謙微 裁缺筆帖式花翎同知銜啓紳

欽天監

主簿五品銜司秉鈞 五官正五品銜國全 司書五品銜陳壽圖 筆帖式文隆

鴻臚寺

鳴贊補用理事同知世襲雲騎尉額圖坤 鳴贊世襲騎都尉四品銜長壽 筆帖式錫麟

步軍統領衙門

耶中郎選知府花翎三品銜長秀 筆帖式候選主事五品銜鍾俊 筆帖式花翎五品頂戴景煦

倉場

坐糧廳監督候補五品京堂吏部郎中花翎三品銜宗室寶銘 坐糧廳監督道員用吏部郎中花翎四品銜孫紹陽

北新倉監督內閣漢軍侍讀郎選知府三品頂戴機奎 筆帖式理事同知銜崇勳

奏事處

奏事處行走戶部郎中四品銜全興

內繕書房

內繕書房行走郎選知府吏部郎中紅帶子榮肇 內繕書房行走候選知縣理藩院筆帖式崑秀 內繕書房行走候

選同知欽天監筆帖式四品頂戴聯芬

上諭處

上諭處行走署主事戶部筆帖式普華 上諭處行走禮科筆帖式文祐

中行花翎同知銜沈福蔭 筆帖式理事同知銜恩臨

中書科

中書花翎同知銜沈福蔭 筆帖式理事同知銜恩臨

侍衛等

主事德克精額 委署主事同知銜春和

鑾儀衛

鳴贊鞭官海順 筆帖式鍾秀

順天府

治中花翎運同銜孫壽臣

唐古武學

司業承慶

宮門抄

正月二十九日 理藩院光祿寺 八旗兩翼值日 無引見 榮公等前往口外賜奠請 訓 王培佑等謝原品休

致 恩紹英等謝授調缺 恩 良泰請假十日 侍衛處奏派口外賜奠 派出穆精額 景祿

召見軍機

批摺摘由

政務處二件

戶部 議覆雲南籌餉善後賑捐請獎由奉 旨依議 又議覆四川江津三名等縣陸續收捐請獎由奉 旨依議

正月二十七日

工部奉考核四川榆關征收水稅銀兩事奉 旨知道了 又奉核銷塔城防軍採買軍火用過銀兩事奉 旨知道了

又奉核銷 蘇留防各營採製軍火用過銀兩事奉 旨知道了 又奉節慎庫月摺奉 旨知道了 中正殿奏二月

初一日進 養心殿 奉經喇嘛名牌奉 旨知道了

正月二十八日摺片二件

廷杰奏 籌辦糧捐作為警務專款 該部知道 又各屬新案交代已未清結 戶部知道單併發 又整頓稅餉酌

擬比較功過章程 該部知道單併發 又道員李祺等留熱差委 姜鳳程著毋庸議餘著照所請該衙門知道 又

知縣郭焯署理灤州令 吏部知道 又遵辦蒙旗墾務請留差滿司員耀順 著照所請該衙門知道 李經羲奏 鎮

南關百七十五結征收稅銀等數目 該部知道單併發 又崇善等州縣民力竭蹶請將上年分地丁兵米分別蠲緩

着照所請該部知道 又新案賠款 該部知道 又驛站錢糧交代無虧 該部知道 又三十一年分各屬徵收驛站錢糧奏銷併入地丁蠲緩案內 該部知道 魁福 懇恩賞假回旂修墓 魁福着賞假三箇月

文苑

九月九日草堂寄續杜工部秋興八首

杞憂子來稿

自割珠崖懶臥薪。漢家買作太平春。頭懸南闕無奇士。眼挂東門有憤臣。九節度師當敵餒。八羅王國責牢貧。吾生不幸有微中。痛哭乾坤一杞人。
聞說壇祠滿玉京。少林拳法動公卿。燒城赤舌驚天燄。和雨蒼頭沸地聲。王衍諸人無活計。孫恩何處有神兵。漢廷將相真兒戲。慚媿豬奴賭一枰。
一擊不成便倒戈。滿天刀雨下脩羅。無謀五戰終遷郢。有淚三呼欲渡河。帝子柴車村寂寞。皇孫麥飯路蹉跎。相公老矣宗王少。手擲金甌計若何。
朱雀門前萬刃環。千官步出卽邯鄲。天心散走驚三殿。滄海橫流撼九寬。上將無頭軍氣惡。侍臣有血帝衣斑。洛陽冠蓋飄零落。多少露車死未還。
高閣名流看陸沈。蒙塵黃屋已西臨。摧殘時局填膺憤。墜落人材抱膝吟。唐武兩軍淮國手。興元一詔屬天心。漢唐宮殿蒼髯在。王氣終南鬱到今。
西清散盡百年珍。南內荒苔冒踐塵。虜騎飛來城改幟。官兵剝野空因。讓書急索將軍首。和議孤懸宰相身。太息守陴兵夜哭。當年卽墨又何人。
喋血京師尚未乾。田間夥涉又成團。清時有警唐天寶。亂後多才漢建安。一攬河山收淚起。百年宮府抱冰看。官家幸勿忘今日。攜李君臣事不難。
大力相持挽壑舟。諸公台省作關侯。洗空凡馬淮臯樂。呼起荒雞有祖劉。劫後明條刀底活。老來功業鏡中愁。少陵同洒西風淚。鼓角中原萬里秋。